



Մ Ա Յ Ր Ա Թ Ո Ռ Ո Ւ Մ

ՍԳՈՍՏՈՍԻ 3-ին, ԿԻՐԱԿԻ, Մայր Տաճարում պատարագեց արժանապատիվ Տ. Մկրտիչ քահանա Մկրտչյանը և քարոզեց դերաշնորհ Տ. Հակոբյանը սրբազանը հավուր պատշաճի:



ՍԳՈՍՏՈՍԻ 10-ին, ԿԻՐԱԿԻ, «Բարեկենդան Ս. Աստուածածնի պահոց»։ Մայր Տաճարում պատարագեց արժանապատիվ Տ. Հակոբ քահանա Քելամյանը և քարոզեց արժանապատիվ Տ. Հովհաննես քահանա Մարությանը «Հաւատամք և ի մի միայն ընդհանրական և Առաքելական Սուրբ Եկեղեցի» քնարանով:



ՍԳՈՍՏՈՍԻ 14-ին, ՀԻՆԿՇԱԽԻ, Մայր Աթոռ Ս. Էջմիածին ժամանեց Հունաստանի թեմի առաջնորդ և Կաթողիկոսական պատվիրակ հոգեշնորհ Տ. Իսահակ վարդապետ Ղազարյանը:



ՍԳՈՍՏՈՍԻ 16-ին, ՇԱՐԱԹ, «տօն Շողակաթի Սրբոյ Էջմիածնի ըստ տեսչեան Սրբոյն Գրիգորի Լուսաւորչի»։ Օրվա տոնի առթիւ Մայր Տաճարում Իջման Ս. Սեդանի վրա պատարագեց ուխտավորարար Մայր Աթոռում գտնվող հոգեշնորհ Տ. Իսահակ վարդապետ Ղազարյանը:



ՍԳՈՍՏՈՍԻ 17-ին, ԿԻՐԱԿԻ, «Վերափոխումն Ս. Աստուածածնի»:

Ս. Կուլսի Վերափոխման մեծ տոնի կապակցութեամբ շաբաթ օրվանից Մայր Աթոռ

ուխտի էր եկել հավատացյալների ծովածափալ բազմութիւն Հայաստանի բոլոր շրջաններից, քաղաքներից, գյուղերից:

Համաժողովրդական մեծ տոնի առթիւ մորթիւցին բազմաթիւ մատաղներ, կատարվեցին մոտ 500 մկրտութիւններ: Վանքը մարդը շրջափակը լեցված էին ուխտավորների բազմութեամբ:

Մայր Տաճարում եպիսկոպոսական հանդիսավոր պատարագ մատուցեց և քարոզեց դերաշնորհ Տ. Սահակ արքեպիսկոպոսը և քարոզեց մայրութեան գաղափարի շուրջ: Հավարտ սուրբ պատարագի կատարվեց աւանդական «օրհնութիւն խաղողոյ»:



ՍԳՈՍՏՈՍԻ 18-ին, ԵՐԿՈՒՇԱԽԻ, «Յիշատակ մեռելոց»։ Մայր Տաճարում պատարագեց հոգեշնորհ Տ. Մաշտոց արքեպիսկոպոսը: Հավարտ սուրբ պատարագի կատարվեց «հոգեհանդիստ վասն համօրէն ննջեցելոց»:



ՍԳՈՍՏՈՍԻ 22-ին, ՈՒՐԱԹ, Կիսկավոզսկից, Իր ամառալին կարճատե արձակուրդից Մայր Աթոռ վերադարձավ Վեհափառ Հայրապետը, ընկերակցութեամբ գավազանակիր հոգեշնորհ Տ. Մեսրոպ վարդապետի:

Երևանի օղանավակայանում Վեհափառ Հայրապետը դիմավորվեց Մայր Աթոռի մարդը միաբանութեան և վանքի պաշտօնեաների կողմից:

Վեհափառ Հայրապետին դիմավորողների թվումն էր նաև Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահի տեղակալ պր. Ո. Հովհաննիսյանը:

ՊԳՈՍՏՈՍԻ 24-ԻՆ ԿԻՐԱԿԻ. Մայր Տաճարում պատարագեց արժանապատիվ Տ. Մկրտիչ քահանա Մկրտչյանը և քարոզեց գերաշնորհ Տ. Հայկազուն սրբազանը:

Սուրբ պատարագին ներկա էր Վեհափառ Հայրապետը:

Դաստատվեց դասախոսական կազմը: Վեհափառ Հայրապետը արեց շատ օգտակար թեւագրություններ ուսումնական պլանի առնչությամբ:



ՍԳՈՍՏՈՍԻ 25-ԻՆ, ԵՐԿՈՒՇԱՐԹԻ. Վեհափառ Հայրապետի մոտ տեղի ունեցավ մանկավարժական խորհրդակցություն Ս. Էջմիածնի Հոգևոր Ծեմարանի 1958—1959 ուսումնական նոր տարվա վերաբացման առթիվ, որին մասնակցում էին վերատեսուչ գերաշնորհ Տ. Հայկազուն սրբազանը և փոխտեսուչ հոգեշնորհ Տ. Մեսրոպ վարդապետը: Խորհրդակցությունում վերանայվեց Հոգևոր Ծեմարանի ուսումնական պլանը և

ՍԳՈՍՏՈՍԻ 26-ԻՆ, ԵՐԵՎԱՆԻ, ԵՐԵԿՈՅԱՆ Ժամը 4-ին Վեհափառ Հայրապետին այցելեց Ջեսուերի աստղադիտարանի դիրեկտոր պրոֆ. Լոյզը իր տիկնոջ և հայագի տիկին Քիշմիշյանի հետ (Մեքսիկայից): Հարգելի պրոֆեսորը Հայաստանում հյուրն էր Հայկական ՍՍՌ Գիտությունների ակադեմիայի պրեզիդենտ ակադեմիկոս Վիկտոր Համբարձումյանի:

Վեհափառ Հայրապետը ջերմ զրույց ունեցավ հարգելի գիտնականի հետ:

